

Ukiumut naatsorsuutitut inatsit malillugu nassuiaatit arlallit tamanut saqqummiunnerat pillugu Kalaallit Nunaannut nalunaarut

§ 77 a, imm. 2, § 77 b, imm. 2, § 99 a, imm. 9 aammalu 10, § 99 b, imm. 8 aammalu 9, § 99 c, imm. 9, § 99 d, imm. 4, § 107 b, imm. 4, § 107 c, imm. 2, § 107 d, imm. 6, aammalu § 164, imm. 4 naapertorlugit, ukiumut naatsorsuutitut inatsimmi, naleqq. peqqussummut nalunaarut nr. 806 19. juni 2018-imeersoq, peqqussut nr. 220 ulloq 7. marts 2023 aalajangerneqarpoq:

Suliffeqarfiup nittartagaa atorlugu paasissutissat tamanut saqqummiunneqarnerat

§ 1. Suliffeqarfiup nalunaarusiani suliffeqarfiup nittatataagaatigut saqqummiunneqarnissaa qinersimappagu ukiumut nalunaarusiami aqutsisut nalunaarutaanni tamanna paasititsissutigineqassaaq, naleqq. § 77 a, § 77 b, §§ 99 a aammalu b, § 99 c, § 99 d, § 107 b, § 107 c aammalu § 107 d, ukiumi naatsorsuutitut inatsimmi kunngip peqqussutaatigut Kalaallit Nunaannut atutsilersinneqartumi. Aningaasaateqarfiit inuutissarsiummik ingerlatallit nassuiaatit innersuunneqarnerat § 77 a aammalu § 77 b aammattaaq ukiumut nalunaarummi nalunaarsutini aammattaaq oqaatigineqarsinnaavoq.

Imm. 2. Url-adresse paasissutissanut atatillugu atugaq pasissutigineqassaaq sumi nalunaarusiaq tamanut saqqummiunneqarsimanersoq. URL-adresse pillugu pineqarpoq internetadresse atugassaaq nalunaarusiaq toqqaannartumik tikinniaaraanni imaluunniit qupperneq nalunaarusiat tamarmiusut tamanut saqqummiunneqarsimaffigisaat.

Imm. 3. Ukiumut naatsorsuutitut nalunaarummi nalunaarut suliffeqarfiup nittartagaani tamakkiisoq ukiunilu tallimani minnerpaamik takuneqarsinnaassaaq, URL-adresse ukiumut nalunaarusiami ersissooq, naleqq. imm. 1. Suliffeqarfiit Kalaallit Nunaanni imaluunniit EU/EØS-nunani niuerfinni nakkutigisani pappiaqqanik nalilinnik niuerutigineqartussanik pigisaqartut nalunaarusiaat minnerpaamik ukiuni 10-ni tamanit takuneqarsinnaassaaq. (kunngip peqqussutaatigut Kalaallit Nunaanni atuutsilersinneqartumi aningaasanik annertuumik niuerfiit pillugit inatsimmi § 26 imm. 3 napertorlugu). URL-adresse piffissami ilaani allanngortinneqarpat URL-adressetoqqamiit toqqaannartumik ingerlateqqinneqartassaaq URL-adressemut nutaamut.

Imm. 4. Nalunaarusiap URL-adresse atorlugu tamanut saqqummiunneqarfia suliffeqarfik pisussaataavoq sapinngisamik oqartussaaffigisap tigungminnarnissaa ukiut 5-mani piffissaliussap qaangiunnissaanut aammalu ukiut 10-it piffissaliussamut. Naleqq. imm. 3. Oqartussaaffigisap pigiinnarnissaa ajornarpat URL-adresse nutaamut innersuussisoqassaaq ukiumut nalunaarusiamut siullermut saqqummertussamut.

§ 2. Nassuiaatit, naleqq. § 1, imm. 1, tamanut saqqummiunneqassapput ataatsimut nassuiaatitut, inatsisini piumasaqaatita ataasiakkaat imatut ukunani taaguuserneqarsimasut ataanni: "Aningaasaateqarfiit pitsaasumik aqunneqarnerannik nassuiaat, naleqq. § 77 a, ukiumi naatsorsuutitut inatsimmi, kunngip peqqussutaatigut Kalaallit nunaanni atuutsilersinneqartumi", "Aningaasaateqarfiup agguuassisarnermut politikkia pillugu nassuiaat, naleqq. 77 b, ukiumut naatsorsuutitut inatsimmi, kunngip peqqussutaatigut Kalaallit Nunaanni atuutsilersinneqartumi", "Inuiaqatigiinnut akisussaaffimmik nassuiaat", naleqq. § 99 a, ukiumi naatsorsuutitut inatsimmi, kunngip peqqussutaatigut Kalaallit Nunaanni atuutsilersinneqartumi", "Suiaassuseq tunngavigalugu aqutsisut katitigaanerat

pillugu nassuiaat, naleqq. § 99 b, ukiumi naatsorsuutitut inatsimmi, kunnigip peqqussutaatigut Kalaallit Nunaanni atuutslersinneqartumi”, ”Pisortanut akiliutit pillugit nassuiaat, naleqq. 99 c, ukiumi naatsorsuutitut inatsimmi, kunnigip peqqussutaatigut Kalaallit Nunaanni atuutslersinneqartumi”, ”dataetikki pillugu politikimik nassuiaat, naleqq. § 99 d, ukiumi naatsorsuutitut inatsimmi, kunnigip peqqussutaatigut Kalaallit Nunaanni atuutslersinneqartumi”, ”Suliffeqarfimmi aqutsineq pillugu nassuiaat, naleqq. 107 b, ukiumi naatsorsuutitut inatsimmi, kunnigip peqqussutaatigut Kalaallit Nunaanni atuutslersinneqartumi”, ”Suliffeqarfimmi aqutsineq pillugu nassuiaat, naleqq. 107 c, ukiumi naatsorsuutitut inatsimmi, kunnigip peqqussutaatigut Kalaallit Nunaannut atulersinneqartumi” aammalu ”assiginngisitaartuuneq pillugu politikimik nassuiaat, ukiumi naatsorsuutitut inatsimmi, kunnigip peqqussutaatigut Kalaallit nunaanni atulersinneqartumi”. Nassuiaatit suliffeqarfiup nittartatagaani nassuiaataasinnaasunik imalinnik paasissutissanit allanit ersarissumik immikkoortinneqassapput.

Imm. 2. Suliffeqarfiup ukiumi nalunaarusiaani nalunaarummi oqaatigineqassaaq pineqartoq aqutsisut nalunaarusiaata ilagimmagu. Aningaasaateqarfimmut pitsaasumik aqutsineq imaluunniit nassuiaat aningaasaateqarfiup agguaassisarnermut politikia nalunaarsuutiniippat nassuiaammi pasissutigineqassaaq pineqartoq tassaammat aningaasaateqarfik inuutissarsiummik ingerlataqartup ukiumi nalunaarummi ilagimmagu nalunaarsuutiniittoq. Ukiumi nalunaarummi piffissaq naatsorsuusiorkfik pineqartoq nalunaarutigineqassaaq. Ukiumi nalunaarutip piffissarisaa nalunaarutip piffissaa assigissavaa.

Imm. 3. Ukiumi naatsorsuutini inatsimmi suliffeqarfimmi aqutsisut nalunaarutaanni § 107 b imaluunniit § 197 c, malillugit, kunnigip peqqussutaatigut Kalaallit Nunaanni atuutslersinneqartumi nalunaarummi pasissutissiissutigineqassaaq, kukkunersiuisup uppersaataata atsiorknerani nalunaarutip ilaa sorleq, suliffeqarfiup ukiumut nalunaarutaani ilaannginnersoq. Suliffeqarfimmi aqutsisunut paasissutissat tikkuussisut, naleqq. § 107 b, imm. 1, nr. 1-5, imaluunniit § 107 c, imm. 1, ukiumi naatsorsuutitut inatsimmi, kunnigip peqqussutaatigut Kalaallit Nunaanni atuutslersinneqartumi kukkunersiuiinermi uppersaata atsiugaq, ukiumi nalunaarummi ilaatinneqanngilaq immikkut suliffeqarfik aammalu kukkunersiuisoq isumaqatigiissuteqarsimanngikkunik.

Imm. 4. Aningaasaateqarfimmi pitsaasumik aqutsinermik nassuiaat pillugu aammalu aningaasaateqarfiup agguaassisarnermut politikia pillugu nassuiaat § 77 a imaluunniit 77 b-lu malillugit ukiumut naatsorsuutitut inatsimmi, kunnigip peqqussutaatigut Kalaallit Nunaanni atuutslersinneqartumi, nassuiaammi immikkoortut sorliit paasititsissutigineqassaaq kukkunersiuiinermi uppersaataatitut atsiukkamut ilaatinneqanngitsut aningaasaatarfiup ukiut nalunaarutaani. Aningaasaateqarfimmi pitsaasumik aqutsinermut paasissutissat, naleqq. § 77 a, ukiumut naatsorsuutitut inatsimmi, kunnigip peqqussutaatigut Kalaallit Nunaannut atuutslersinneqartumi aammalu paasissutissat aningaasaateqarfiup agguaassisarnermut politikia pillugu, naleqq. § 77 b, ukiumut naatsorsuutitut inatsimmi, kunnigip peqqussutaatigut Kalaallit Nunaannut atuutslersinneqartumi aningaasaateqarfiup ukiumut nalunaarutaani kukkunersiuisup uppersaataatitut atsiugaani ilaatinneqanngillat, taamaallalli aningaasaateqarfik inuutissarsiummik ingerlataqartoq kukkunersiuisorlu allamik isumaqatigiissuteqarsimappata.

§ 3. §§ 99 a-d aammalu §§ 107 b-d, ukiumi naatsorsuutitut inatsimmi malillugit nassuiaatit aningaasaliisut piginnittut ukiumut nalunaarusiap piffissami saqqummiunneqarneraniit aningaasaliisunut piginnittunit takuneqarsinnaassaaq ukiumut nalunaarusiap akuerineqarnissaa ataatsimeersuarinissaaq sioqqullugu.

Imm. 2. §§ 77 a-b, §§ 99 a-d, aammalu §§ 107 b-d, suliffeqarfiup nittartatagaani ukiumoortumik nalunaarusiap tamanit takuneqarsinnaassaaq kingusinnerpaamik piffissami tamanut saqqummiunneqarneraniit.

Suliffeqarfiup nittartagaani nassuiaatit tamanut saqqummiunneqarneranut atatillugu kukkunersiuisunut pisussaaffiit immikkut ittut

§ 4. Kukkunersiuisup nakkutigissavaa aqutsisut nalunaarutaat tamanut saqqummiunneqartoq nalunaarsuutiniq aammalu passissutissanik § 1, imm. 1 aamma 2 malitsigisaanik imaqartoq.

§ 5. Kukkunersiuisup nakkutigissavaa nassuiaat suliffeqarfiup nittartatagaani tamanut saqqummiunneqartoq taagorneqartoq § 2, imm. 1-imi oqaatigineqarneratuut aammalu nassuiaat § 2, imm. 2-4 malitsigisaanik paasissutissanik imaqartoq.

Illassutitut nalunaarusiami ukiumoortumik nalunaarusiami nassuiaat

§ 6. Suliffeqarfiup § 99 a, § 99 b imaluunniit § 99 c malillugit suliffeqarfiup nassuiaatini tamanut saqqummiunnissaa qinersimappagu ukiumoortumik nalunaarusiami aqutsisut nalunaarutaanni tamanna paasititsissutigineqassaaq, ukiumoortumik naatsorsuutininut inatsit kunngip peqqussutaagut Kalaallit Nunaannut atuutsilersinneqartumi ukiumoortumik nalunaarummi ilassutitut nalunaarusiami. Nassuiaammi ilassutitut nalunaarummi § 2, imm. 1, 1. pkt. aammalu § 2, imm. 2 aammattaq atuutissapput.

Nunani tamalaani najoqqutassat imaluunniit pitsaassutit malillugit tamanut saqqummiussineq

§ 7. Suliffeqarfik ukiumut naatsorsuutininut inatsimmi § 99 a, imm. 8, imaluunniit § 99 b, imm. 7 malillugu, kunngip peqqussutaagut Kalaallit Nunaannut atuutsilersinneqartumi nalunaarutit nunat tamalaat najoqqutassiaat pitsaassutsillu malitassat malillugit nalunaarusiortoq aqutsisut nalunaarutaanni immikkut ittumik nassuiaammik suliaqassalluni pinngitsoorsinnaavaa § 99 a aammalu/imaluunniit § 99 b malillugit, nalunaarusiami paasissutissat piumasasut aalajangersakkat maillugit ersippata.

Imm. 2. Inuiaqatigiinnut akisussaaffit nunat tamalaat ilaasa pitsaassutsimut malitassat aammalu najoqqutassat imm. 1 malillugu, nalunaaruteqarnissamut ilaat makku pineqarput:

- 1) FN-ip Global Compact piumasagaata malillugu suliffeqarfinit peqataasunit siuariartornermik nalunaarusiamik nalunaaruteqartarnissaq.
- 2) FN-p tapersersugaanik atsioqataasimasut Aningaasaliinermi akisussaasumik tunngavissat, PRI malillugu nalunaaruteqarneq akisussaasumik aningaasaliinermut nalunaarutitut isikkoqartumik.
- 3) Global Reporting Initiative, GRI pitsaassuseq atuuttoq malillugu nalunaaruteqarneq.

Imm. 3. Nalunaarusiaq nunat tamalaat maleruaqqusaat malillugit imaluunniit pitsaassutsit najoqqutassat, naleqq. imm. 1 suliffeqarfiup qinersimappagu nalunaarusiani tunniutissallugu tamanna ukiumoortumik nalunaarusiami pasissutissiissutigineqassaaq. Nassuiaat ukiumoortumik nalunaarusiami, naatsorsuusiorfimmi piffissaq atorineqartoq assigissavaa. Suliffeqarfiup ukiumoortumik nalunaarusiaani oqaatsit suuneri apequtaatinnagit nunat tamat najoqqutassiaat aammalu pitsaassutsimik najoqqutassiat malillugit tuluttut nalunaarutigineqarsinnaavoq.

Imm. 4. Suliffeqarfik periarfissaq imm. 1 aamma 2-mik atuisoq sulliffeqarfiup nammineq nittartakkamini nassuiaat tamanut saqqummiutissavaa nassuiaalluunniit nunat tamalaat sulianiaqartigiiffiisa nittartagaani tamanut saqqummiunneqarsimagaluarpalluunniit najoqqutassanik aammalu pitsaassutsimik najoqqutassamik pineqartunik saqqummiisut. §§ 1 aamma 3 taamatutaaq atuutissapput.

§ 8. §§ 1-3, 6 aammalu 7 nalunaarummik matuminnga unioqutitsinermi akiliisitsineq eqqartuussutigineqassaaq, Kalaallit Nunaanni pinerluttulerinermut inatsit malillugu allamik pineqaatissinneqarluni pisuutitaasimannngikkaanni.

Imm. 2. Unioqutitsineq aktianik piginneqatigiiffimmit, anpartsselskabimit, , andelsselskabimit assigisaannilluunniit (inuit pisinnaatitaasunitt pisussaataasunillu) pisimappat, taava pillagaasutut akisussaaffilerneqarsinnaapput pinerluttulerinermik Kalaallit Nunaannut inatsimmi kapitali 5-mi malittarisassat malillugit.

Atortuulersitsineq

§ 9. Nalunaarut atulersinneqarpoq ulloq 15. april 2024.

Imm. 2. Nalunaarut ukioq naatsorsuiffik aallartittumut ulloq 15. april 2024 imaluunniit kingorna atuppoq.

Imm. 3. Nalunaarut nr. 629 29. maj 2018-imeersoq kiumut naatsorsuutitut inatsit malillugu nassuiaatit arlallit tamanut saqqumiunnerat atorunnaarpoq.

Erhvervsstyrelsen, ulloq 10. april 2024

Jørgen Wissing Jensen

/Philip Frey